

Curtio, Iustino, Arriano.

Alexander Magnus Philippi Macedonum Regis Filius initio 106 Olympiadis sexta die Hecatombæq; nis natus est *Pella*, Macedoniæ Opido, quo die Templum Dianæ Epheliæ ab Herostrato incensum arsit. Primam ætatem aptam sapientiæ studijs sub Aristotele doctore consumpsit. Postea sub Patre militans rudimenta tyrocini, sui deposuit annos natus decem & octo, quo post biennium defuncto, quum suscepisset Imperium, excursionem fecit ad *Istrum* usq; in *Triballos*, & *Getas*, ac cum *Germanis* tædus iniit. Hinc se convertit ad *Thebanos* quorum urbem evertit, ipsos sub corona vendidit, excepta, honoris causa *Pindari* Poetæ stirpe. Inde quum in conventu *Isthmico* dux belli a Græcis lectus esset contra Persas, consulto *Delphis* Apolline, coactisque copijs xxxi i millium peditum, equitumque iv millium quingentorum, in quibus milites omnes veterani, multi etiam emeriti, ductores pleriq; sexagenarij, spei plenus, agros suos omnes, & villas, & pagos amicis dono dedit, reliquumq; Imperium suum varie distribuit, Transmisso *Hellesponto*, in *Sigeo* ad *Acchillis* tumulum sacra fecit. Interea Persarum copia haud procul inde ad *Granicum* amnem in campis *Adrastris* confederant, Græcos Asiæ aditu prohibitura, sed primâ congressione fusæ victæq; sunt: Victor trophæum posuit, *Alexander Philippi*, Et *Graci*, Præter *Lacedæmonios*, De *Barbaris Asiaticis*. Inde oram omnem maritimam obiens, cepit *Sardeis*, *Ephesum*, *Miletum*, *Halicarnassum*, & quicquid præterea in eo tractu Urbium est, usq; ad *Ciliciam* & *Phœniciam*; tum *Pisidas* & *Phrygas* quorum in urbe *Gordo* fatalem nodum dissecuit: tum *Paphlagonas* & *Cappadocas*. Darius interea cum ingenti militum numero ad *Issum* castra promovit: Eodem tendens Alexander quum *Tarsum* venisset, seque in flumen *Cydnum* lavandi causa dedisset, gravem morbum contraxit, quem *Philippus* medicus tamen proditiōis accusatus, feliciter intra diem octavum sanavit. Congressus cum *Dario* Persas fundit fugatq;, Capræ eo prælio *Darij* Mater, & *Statira*, Vxor pariter & Soror regia, cum *Filiab.* *Cyprijs* ultro se dedunt. *Tyri* expugnantur. *Gaza* cum universa *Iudea* *Syriaque* subacta. Profectus hinc ad *Ammonem*. Alexander oraculi causa, non multo post *Alexandriam* condit. *Dariumq;* nuptias Filiae cum magna regni parte offerentem non audit, sed *Macedonica* phalange fretus vim ferro facit, cunctaque cis *Euphratem* partis adjicit. Ergo *Darius* extremum apud *Gausamalam* discrimen belli tentaturus, cum x centum millium copijs vincitur. Hinc itum in *Babyloniam*: *Susa* capta: inde ad *Persas*, *Hircanos*, *Parthos*, *Scythas*, trajecto etiam *Orexate* fluvio. Hinc in *Indiam* *Nisam* urbem expugnat, & ad *Hydaspin* fl. superat Porum, inque equi sui defuncti memoriam condit *Bucephalam*. Regressus hortante exercitu *Mallos* vincit & *Gymnosophistas*, totosque menses septem *Indo* flumine vehitur usque in *Oceanum*. Hic exercitu inter se & *Nearchum* classis præfectum, diviso, ipse terrestri itinere *Gedrosiam* contendit, *Nearchus* Mari. Inde ipse in *Persidem*, *Nearchus* in *Oceanum*. *Calanus* *Indus* rogo se injicit. *Susis* Alexander *Darij* filiam uxorem ducit. Inde in *Mediam* abit, ubi mortuus *Hephæstion*. Naves *Euphrati* subvectæ redeunt. Alexander *Babylonem* invehitur, moriturque anno ætatis trigesimo tertio.

Postquam